

Stručno osposobljavanje pripravnika odvija se u skladu sa programom početne obuke utvrđene normativnim aktima Pravobranilaštva, odnosno programom pravosudnog ispita propisanog posebnim propisima, s tim da se, tokom dijela pripravničkog staža, pripravnici upućuju na praktičan rad u općinske i kantonalne sudove.

Član 27d.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvo se mogu primati lica pravne struke sa ostvarenih 240 ECTS studijskih bodova Bolonjskog sistema studiranja, bez zasnivanja radnog odnosa.

Određbe ove Odluke koje se odnose na pripravnike, shodno se primjenjuju i na lica koja se stručno osposobljavaju bez zasnivanja radnog odnosa."

Član 30.

Član 30. mijenja se i glasi:

"Član 30.

Plaće i naknade Pravobranioca i zamjenika Pravobranioca utvrđuju se u skladu sa Odlukom kojom se regulišu plaće i naknade u organima vlasti Grada Sarajeva".

Član 11.

U članu 31. stav 1. briše se.

U istom članu stav 2. mijenja se i glasi:

"Na prava i obaveze koje se odnose na radno-pravni status Pravobranioca i zamjenika Pravobranioca koja nisu uređena ovom Odlukom, primjenjuju se odgovarajuće odredbe Zakona o pravobranilaštvu, propisi kojima se uređuju prava i dužnosti državnih službenika u Federaciji BiH, Kantonu Sarajevo, Gradu Sarajevo, kao i opći propisi o radu i kolektivni ugovori".

Dosadašnji stav 2. postaje stav 1.

Član 12.

Ovlašćuje se Komisija za statut i akta Gradskog vijeća Grada Sarajeva da utvrdi prečišćeni tekst Odluke o osnivanju Pravobranilaštva Grada Sarajeva.

Član 13.

Ova Odluka stupa na snagu narednog dana od dana objavljivanja u "Službenim novinama Kantona Sarajevo."

Broj 01-02-465/17  
13. marta 2017. godine  
Sarajevo

Predsjedavajući  
Gradskog vijeća  
Igor dr. Gavrić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajeva", broj 34/08), a u vezi s Elaboratom - Projekt službene elektronske komunikacije u Gradskom vijeću Grada Sarajeva koji je usvojen aktom Gradskog vijeća Grada Sarajeva broj 01-02-1112/14 od 25.06.2014. godine, Gradsko vijeće Grada Sarajeva, na sjednici održanoj 13.03.2017. godine, donijelo je

## ODLUKU

### O POČETKU SLUŽBENE ELEKTRONSKE KOMUNIKACIJE U GRADSKOM VIJEĆU GRADA SARAJEVA

Član 1.

Ovom Odlukom uređuje se početak službene elektronske komunikacije u Gradskom vijeću Grada Sarajeva, utvrđene u Elaboratu - Projekt službene elektronske komunikacije u Gradskom vijeću Grada Sarajeva.

Član 2.

Početak službene elektronske komunikacije u Gradskom vijeću Grada Sarajeva koja obuhvata najavu i praćenje rada i rezultata rada sjednica Gradskog vijeća Grada Sarajeva, uključujući organizovanje rada radnih tijela i Kolegija Gradskog vijeća Grada Sarajeva, je po donošenju pravilnika Administrativne komisije Gradskog vijeća, na prijedlog sekretara Gradskog vijeća, a kojim se uređuje korištenje sistema, te opća i sigurnosna pravila, odnosno procedure za optimalnu i nesmetanu službenu elektronsku komunikaciju u Gradskom vijeću Grada Sarajeva.

Član 3.

Po donošenju pravilnika, iz člana 2. ove Odluke, počinje službena elektronska komunikacija, i to u prvoj fazi, za rad Gradskog vijeća, a u II fazi, za rad radnih tijela i Kolegija Gradskog vijeća.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-466/17  
13. marta 2017. godine  
Sarajevo

Predsjedavajući  
Gradskog vijeća  
Igor dr. Gavrić, s. r.

## OPĆINA ILIJAŠ

### Općinski načelnik

Na osnovu člana 46. Zakona o prostornom uređenju ("Službene novine Kantona Sarajeva", broj 7/05) i čl. 23. i 55. Statuta Općine Ilijaš ("Službene novine Kantona Sarajeva", broj 7/98, 9/01, 17/04, i 14/08), Općinski načelnik, dana 02.03.2017. godine, verificovao je i donio

## ODLUKU

### O KOREKCIJI REGULACIONOG PLANA "INDUSTRIJSKA ZONA ŽELJEZARA" U ILIJAŠU (izmjena saobraćajnog rješenja)

Član 1.

Utvrđuje se Korekcija Regulacionog plana "Industrijska zona Željezara" u Ilijašu ("Službene novine Kantona Sarajeva", broj 12/01), u daljem tekstu: Korekcija Plana.

Član 2.

Korekcija Plana se vrši na zemljištu označenom kao dio k.č.: 202/1, 202/2 i 204/1 K.O. Ilijaš Grad - novi premjer.

Korekcijom Plana je - na zemljištu označenom kao dio k.č.: 202/1, 202/2 i 204/1 (u cilju formiranja građevinske parcele za izgradnju reciklažnog dvorišta i zadržavanja postojećeg poslovno - skladišnog objekta JKP "Vodostan" d.o.o., a u obuhvatu RP "Banovac"), izvršena izmjena saobraćajnog rješenja za kompleks Željezare Ilijaš, odnosno ukidanje dijela saobraćajnice planirane usvojenim Regulacionim planom.

Ovim je izvršeno usaglašavanje saobraćajnog rješenja ovog Plana i kontaktnog Regulacionog plana "Banovac".

Član 3.

Korekcija Plana se sastoji iz tekstualnog dijela i grafičkih priloga: Izvod iz Regulacionog plana "Industrijska zona Željezara" u Ilijašu, M 1:1000 (list br. 1), Korekcija Regulacionog plana "Industrijska zona Željezara" u Ilijašu - Urbanističko rješenje, M 1:1000 (list br. 2) i Korekcija Regulacionog plana "Industrijska zona Željezara" u Ilijašu - Saobraćajno rješenje, M 1:1000 (list br. 3).

Tekstualni i grafički prilozi Korekcije Plana sastavni su dio Regulacionog plana "Industrijska zona Željezara" u Ilijašu ("Službene novine Kantona Sarajeva", broj 12/01).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima koja su sastavni dio Regulacionog plana "Industrijska zona Željezara" u Ilijašu, te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva u Službi dokumentacije Općine Ilijaš i Zavoda za planiranje razvoja Kantona Sarajevo.

Član 6.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 05/1-23-2552/16  
02. marta 2017. godine

Pomoćnik načelnika  
**Meliha Avdićević, s. r.**

Općinski načelnik  
**Akif Fazlić, s. r.**

ZAVOD ZA PLANIRANJE RAZVOJA  
KANTONA SARAJEVO

**KOREKCIJA REGULACIONOG PLANA  
"INDUSTRIJSKA ZONA ŽELJEZARA" U ILIJAŠU  
(izmjena saobraćajnog rješenja)**

Direktor  
**Hamdija Efendić, dipl. ing. grad.**

SARAJEVO, oktobra 2016. godine

NOSILAC PRIPREME  
PLANA

OPĆINA ILIJAŠ  
OPĆINSKI NAČELNIK

NOSILAC IZRADE  
PLANA

ZAVOD ZA PLANIRANJE  
RAZVOJA KANTONA  
SARAJEVO

RUKOVODILAC  
SEKTORA:

EDIN  
JENČIRAGIĆ, dipl. ing. arh.

ODGOVORNI  
PLANER:

DŽENITA  
SMAJIĆ, dipl. ing. arh.

**1. UVOD**

Regulacioni plan "Industrijska zona Željezara" u Ilijašu je usvojen i objavljen u "Službenim novinama Kantona Sarajevo", broj 12/01.

Općinski načelnik Općine Ilijaš je, u skladu sa članom 46. Zakona o prostornom uređenju ("Službene novine Kantona Sarajevo", broj 7/05), pokrenuo inicijativu za korekciju Regulacionog plana "Industrijska zona Željezara" u Ilijašu (u

daljem tekstu: korekcija Plana). Dopisom broj 05/1-23-sl/16 od 03.10.2016. godine, inicijativa za korekciju Plana je dostavljena Zavodu za planiranje razvoja Kantona Sarajevo, u cilju usaglašavanja saobraćajnih rješenja RP "Industrijska zona Željezara" u Ilijašu i kontaktnog RP "Banovac" a radi formiranja građevinske parcele za izgradnju reciklažnog dvorišta unutar RP "Banovac".

**2. IZVOD IZ REGULACIONOG PLANA  
"INDUSTRIJSKA ZONA ŽELJEZARA" U ILIJAŠU**

**Urbanizam**

Površina obuhvata RP "Industrijska zona Željezara" u Ilijašu iznosi 45.3 ha. Područje koje razmatra ovaj RP ograničeno je: na istoku željezničkom prugom VR Vrpolje-12-Sarajevo, na zapadu i sjeverozapadu granicu čini rijeka Bosna i na jugu rijeka Misoča.

Organizacijom prostora unutar granica Plana, utvrđene su sljedeće zone:

- proizvodno - poslovna zona,
- industrijsko - poslovna zona,
- zona - područje revitalizacije (zeleni tampon prema rijekama Misoča i Bosna-djelimično),
- saobraćajne površine,
- zona za kondicioniranje otpadnih voda i
- vodoprivredni pojas.

Planom je, unutar ovih zona, predviđena izgradnja većeg broja novih objekata, kao i zadržavanje postojećih objekata (za koje je data mogućnost rekonstrukcije i dogradnje, odnosno nove izgradnje u vidu zamjene postojećeg građevinskog fonda), te adekvatno rješenje saobraćaja i opremanje lokaliteta mrežom komunalne i energetske infrastrukture.

**3. KOREKCIJA REGULACIONOG PLANA  
"INDUSTRIJSKA ZONA ŽELJEZARA" U ILIJAŠU**

Korekcija Plana se vrši na zemljištu označenom kao dio k.č.: 202/1, 202/2 i 204/1 K.O. Ilijaš Grad - novi premjer, odnosno na dijelu parcele/kompleksa Željezare Ilijaš i parcela na kojima egzistiraju objekti "Vodostana" d.o.o. Ilijaš i KJKP "Rad".

Usvojenim RP "Industrijska zona Željezara" u Ilijašu ("Službene novine Kantona Sarajevo br. 12/01), na predmetnom zemljištu je planirana saobraćajnica za potrebe Željezare Ilijaš.

Korekcijom kontaktnog RP "Banovac" je - u cilju formiranja građevinske parcele za izgradnju reciklažnog dvorišta (na dijelu k.č. 200 i 202/1) i zadržavanja postojećeg poslovno-skladišnog objekta JKP "Vodostaji" d.o.o., izvršena izmjena saobraćajnog rješenja koje je dato usvojenim RP-om. U skladu sa ovim, ukazala se potreba i za izmjenom saobraćajnog rješenja unutar usvojenog RP "Industrijska zona Željezara" u Ilijašu, te je Korekcijom Plana izvršeno ukidanje dijela planirane saobraćajnice (dio saobraćajnice koji prelazi preko parcela i objekta JKP "Vodostan" d.o.o.).


Korekcija Plana je izvršena na grafičkom prilogu: Prostorna organizacija, list br. 5 (faza: Urbanizam).

# IZVOD IZ REGULACIONOG PLANA "INDUSTRIJSKA ZONA ŽELJEZARA" U ILIJAŠU

"Službene novine Kantona Sarajevo", broj 12/01



M 1:1000




--- granica obuhvata korekcije




ZAVOD ZA PLANIRANJE RAZVOJA KANTONA SARAJEVO  
list br. 1

# KOREKCIJA REGULACIONOG PLANA "INDUSTRIJSKA ZONA ŽELJEZARA" U ILIJAŠU

URBANISTIČKO RJEŠENJE



M 1:1000




--- granica obuhvata korekcije




ZAVOD ZA PLANIRANJE RAZVOJA KANTONA SARAJEVO  
list br. 2

# KOREKCIJA REGULACIONOG PLANA "INDUSTRIJSKA ZONA ŽELJEZARA" U ILIJAŠU

SAOBRAĆAJNO RJEŠENJE



M 1:1000



--- granica obuhvata korekcije

ZAVOD ZA PLANIRANJE RAZVOJA KANTONA SARAJEVO  
list br. 3

